



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1862

XI. Die Markgrafen Otto und Albrecht überlassen dem Kloster das Dorf
Kläden, am 4. Juli 1271.

Nutzungsbedingungen

[urn:nbn:de:hbz:466:1-55716](https://nbn-resolving.org/urn:nbn:de:hbz:466:1-55716)

confirmetur, per que res gesta ad noticiam deuenire valeat posterorum. Notum igitur esse volumus tam presentibus quam postfuturis Cristi fidelibus vniuersis presens scriptum visuris, quod nos propter amorem dei et desiderium future glorie, que in nobis reuelabitur misericordiarum domino concedente, et ad honorem gloriose semper virginis marie, Ecclesie in Arneffe proprietatem ville Slaualis, que Gutzin vocatur, dedimus animo liberali cum omni Jure, quod nos habuimus in eadem, vel quod nobis aut nostris heredibus in ipsa posset cedere in futuro, firmam spem fiduciam gerentes, quod Sanctimonialium dicte ecclesie preces apud deum et Beatam virginem nobis debeant delictorum nostrorum veniam impetrare. Vt autem hec nostra donacio perpetuum robur obtineat et vigorem, et ne in posterum a quoquam heredum seu eciam successorum nostrorum mutari valeat vel infringi, presentem paginam conferibi super eo iussimus et Sigilli nostri munimine roborari. Huius rei testes sunt Domina Beatrix, Inclita vxor nostra, Johannes, primogenitus noster, Conradus, filius fratris nostri, Adolphus Comes de dannenberch, Johannes de Rossowe, Johannes Gans de perleberg, Olicus de Crughe, Georgius de hydaker, Johannes de Crakowe, Ericus de Gardelegen, et alii quam plures. Datum Arneffe per manum heinrici, canonici Stendalensis curie Notarii, Anno domini M°. CC°. LIII°. In die Beati Stephani pape, Indictione XIa.

X. Ablassbrief des Bischofes von Schwerin für das Kloster Arendsee, vom 13. Januar 1271.

Hermannus, dei gracia Zwerinenfis episcopus, Vniuersis Cristi fidelibus presentes litteras audituris salutem in domino. Si ad ecclesias et loca deo dicanda benigne dirigimus aciem mentis nostre et eorum profectibus intendimus diligenter, Nedum exinde retribucionis merita, sed eciam laudis preconia consequimur temporalis. Hinc est, quod nos omnibus Cristi fidelibus vere confessis et contritis, qui dilectis in Cristo Priorisse et conuentui sanctimonialium monasterii in Arneffe Verdenfis dyocesis ad fabricam et ad sustentacionem earundem, cum eis proprie non suppetant facultates, manum porrexerint adiutricem, quadraginta dies et karenam de iniuncta ipsis penitentia misericorditer relaxamus, cum adhibicione consensus dyocesani, presentibus post quinquennium minime valituris. Datum Arneffe, in octaua ephiphanie, Anno domini M°. CC°. LXXI°.

XI. Die Markgrafen Otto und Abrecht überlassen dem Kloster das Dorf Kläden, am 4. Juli 1271.

In nomine sancte et indiuidue trinitatis Amen. Quemadmodum tempus mobile est et semper defluens fluit, ita cum tempore temporales defluunt actiones, Sole enim res diuine perfectissime

sunt, humane vero generis condicio in futurum decurrit, et nichil est, quod in ipsa perpetuo stare possit. Voce igitur testium indiget et testimonio litterarum. Nam fidele testimonium habet scriptura, que hominibus intereuntibus ea, que sibi commendantur, non finit aliquatenus interire. Hinc igitur est, quod nos Otto et Albertus, dei gracia Marchiones Brandenburgenses, Notum facimus Vniuersis tam presentibus quam futuris et tenore presencium protestamur, quod nos ecclesie sancte Marie in Arneffe, vt ibidem domino seruientes sanctimonialia eo vberius perpetuo sustententur, vtque ibi progenitorum nostrorum in diuinis obsequiis memoria indeficiens habeatur, villam Clödene cum aduocacia et omni Juris potestate, proprietate ac feodo donamus propriam et perpetuo possidendam, Ita quod nec per nos nec per nostros succedentes nobis heredes peticio exactoria de hiis bonis, que scilicet peticio Bede wlgari teutonico nominatur, in perpetuum requiratur. Insuper vniuersa priuilegia, que nostri progenitores ecclesie supradicte super quibuscunque articulis tradiderunt, scripto, testibus ac Sigillis presentibus confirmamus. Huius rei Testes sunt Dominus Luchardus de meinersem vir nobilis, Et ceteri nostri milites et vassalli henricus de Wodenwege, Arnoldus de Jaghowe, Gheuehardus de aluenfleue, Wernerus de Sculenborch, Conradus de Stendale Marscalcus, reynoldus de karstede. Vt autem hec omnia supradicta per nos ac per nostros heredes in perpetuum inuiolabiliter obseruentur, Presentem paginam inde conscribi fecimus et sigillorum nostrorum appensionibus roborari. Datum zoltwedel, anno domini M^o. CC^o. LXXI^o., Nonas Julii quarto.

XII. Die Markgrafen Otto und Albert überlassen dem Kloster Arenbsee eine Hebung aus Neulingen, am 5. Juli 1271.

In nomine sancte et indiuidue trinitatis Amen. Humane actiones a memoria hominum laborerentur, si non litterarum testimonio firmarentur, fidele et enim testimonium habet scriptura, que intereuntibus hominibus ea, que sibi commendantur, non finit aliquatenus interire. Hinc igitur est, quod nos Otto et Albertus, dei gracia Marchiones Brandenburgenses, Notum facimus vniuersis tam presentibus quam futuris tenore presencium protestantes, quod nos ecclesie sancte marie virginis in Arneffe Ad maiorem sustentacionem et protectionem sanctimonialium in eodem loco deo et sue piissime genitrici seruiencium Tres Choros Siliginis in villa Neylinghe donamus proprios et perpetuo possidendos, qui tres Chori dabuntur siue dari debent annis singulis de Campo slaicali, qui Stigreuelde in volgari teutonico nuncupatur. Huius donacionis Testes sunt nostri milites et fideles Henricus de Wodensuege, Rodolfus de ymbeke, Johannes frater suus, Conradus de Stendal Marscalcus, Johannes de Huelberghe, Reynoldus de karstede, Johannes de Cumelose. Vt autem omnia supradicta per nos et per Succedentes nobis heredes nostros imperpetuum inuiolabiliter obseruentur, ne quoque vlli super predictis dubium futuris temporibus oriatur, presentem paginam inde conscribi fecimus et Sigillorum nostrorum munimine Roborari. Actum et datum Arneffe, Anno domini M^o. CC^o. LXXI^o., tercio nonas Julii.